



Urwego Rwashyiriweho Inkiko Mpanabyaha Mpuzamahanga ("MICT") rwashyizweho n'Inama Ishinzwe Amahoro ku Isi y'Umuryango w'Abibumbye ku itariki ya 22 Ukuboza 2010 kugira ngo Urukiko Mpanabyaha Mpuzamahanga Rwashyiriweho u Rwanda (TPIR) n'Urukiko Mpanabyaha Mpuzamahanga Rwashyiriweho icyahoze ari Yugoslaviya (TPIY) nizimara kurangiza manda yazo ruzazisimbure ku byerekeranye n'ububasha, imirimo y'ingenzi, uburenganzira n'inshingano zari zifite.

IFISHI Y'AMAKURU KU RUBANZA

Kugeza ubu, abantu umunani barezwe na TPIR kubera uruhare rwabo muri jenocide yakorewe mu Rwanda mu mwaka wa 1994 ntibarafatwa. Hateganyijwe ko MICT izaburanisha abaregwa batatu bakurikira: Augustin Bizimana, Félicien Kabuga na Protais Mpiranya. Abandi batanu ari bo Fulgence Kayishema, Charles Sikubwabo, Aloys Ndimbati, Ryandikayo na Phénéas Munyarugarama, imanza zabo zoherejwe mu Rwanda. Ladislav Ntaganzwa, na we washakishwaga kandi urubanza rwe rukaba rwaroherejwe mu Rwanda, yafatiwe muri Kongo ku itariki ya 9 Ukuboza 2015.

MICT-12-02

ARASHAKISHWA - PROTAIS MPIRANYA



Protais Mpiranya yari Komanda wa batayo y'abajepo yo mu ngabo z'u Rwanda ("FAR") kuva muri Mutarama kugera muri Nyakanga 1994

Umwaka yavutsemo n'aho yavukiye

1960, Komine ya Giciye, Perefegitura ya Gisenyi, Rwanda

Inyandiko y'ibirego

Inyandiko y'ibirego igenderwaho yatanze ku itariki ya 4 Kamena 2013

Aho urubanza rugeze

Arashakishwa kuva ku itariki ya 28 Mutarama 2000

AMAKURU Y'IBANZE KU RUBANZA

INYANDIKO Y'IBIREGO

Inyandiko y'ibirego ishinje Protais Mpiranya jenocide, cyangwa icyo cyaha kiramutse kitamuhanye, kuba icyitso cy'abakoze jenocide; ashinjwa kandi n'ibyaha byibasiye inyokomuntu n'ubuhotozi nk'igikorwa kinyuranyije n'Ingingo ya 3 ihuriweho n'Amasezerano y'i Jeneve n'Inyongera yayo ya II, byakorewe mu Rwanda hagati y'itariki ya 6 Mata n'ya 17 Nyakanga 1994. Muri icyo gihe, Mpiranya yari Komanda wa batayo y'abajepo yo mu ngabo z'u Rwanda.

Mu Nyandiko y'ibirego havugwamo ko Mpiranya yategetse ko abantu bafatwaga nk'Abatutsi bicwa kandi/cyangwa baterwa ububabare buzahaza umubiri. Havugwamo kandi ko yategetse iyicwa ry'abantu bakurikira: Agathe Uwilingiyimana wari Minisitiri w'Intebe wa Guverinoma y'Inzibacyuho, Joseph Kavaruganda wari Perezida w'Urukiko rurinda iremezo ry'Itegekonshinga, Frédérique Nzamurambaho wari Minisitiri w'Ubuhinzi, Faustin Rucogoza wari Minisitiri w'Intangamakuru na Félicien Ngango wari Visiperezida w'Ishyamba riharanira demokarasi n'imibereho myiza y'abatwaga (PSD) wagombaga kuzaba umukandida ku mwanya wa Perezida w'Inteko Ishinga Amategeko y'Inzibacyuho mu rwego rw'Amasezerano ya Arusha. Mu Nyandiko y'ibirego havugwamo kandi ko Mpiranya agomba kuryozwa urupfu rw'abasirikare icumi b'Ababiligi bo muri MINUAR babungabungaga amahoro bishwe n'abasirikare ba FAR mu Kigo cya gisirikare cya Kigali.

Mu Nyandiko y'ibirego havugwamo ko muri icyo gihe, mu Rwanda hose hari ibitero rusange kandi/cyangwa biri kuri gahunda byibasiraga abatwaga b'abasivire bazira ko ari Abatutsi no kubera impamvu za poritike. Muri ibyo bitero,



Abanyarwanda bamwe bishe cyangwa bakomeretsa abantu bafatwaga nk'Abatutsi, abataravugaga rumwe n'ubutegetsu n'abafitanye isano na bo ndetse n'abasirikare bari bashinzwe kubungabunga amahoro.

Ukeneye amakuru arambuye kurushaho wasura urubuga rwa interineti rwa MICT www.unmict.org. Ibibazo by'itangamakuru byoherezwa kuri imeyiri mict-press@un.org.



Ibyaha aregwa mu Nyandiko y'ibirego ni ibi:

Ikirego kimwe cya Jenocide (Ikirego cya 1)

Ikirego kimwe cyo Kuba icyitso cy'abakoze jenocide (Ikirego cya 2)

Ibirego bitanu by'Ibyaha byibasiye inyokomuntu

- Ubuhotozi (Ikirego cya 3)
- Itsembatsemba (Ikirego cya 4)
- Gusambanya ku gahato (Ikirego cya 5)
- Gutoteza (Ikirego cya 6)
- Ibindi bikorwa bibi birenze kameremuntu (Ikirego cya 7)

Icyaha kimwe cy'Ibikorwa binyuranyije n'Ingingo ya 3 ihuriweho n'Amasezerano y'i Jeneve n'Inyongera yayo II

- Ubuhotozi (Ikirego cya 8)

Gushyikiriza MICT dosiye y'urubanza

Ku itariki ya 1 Kanama 2012, dosiye y'urubanza rwa Protais Mpiranya yashyikirijwe Porokireri wa MICT.

Ku itariki ya 29 Mata 2013, Umucamanza umwe rukumbi wa MICT, Vagn Joensen, yasohoye urwandiko rwo gufata n'itegeko ryo kwimura bisaba ibihugu byose bigize Umuryango w'Abibumbye gushakisha Mpiranya, kumufata no kumushyikiriza Ishami rya MICT riri Arusha, aho azafungirwa muri Gereza y'Umuryango w'Abibumbye.

Nk'uko biteganywa mu Cyemezo N° 1966 (2010) cy'Inama y'Umuryango w'Abibumbye Ishinzwe Amahoro ku Isi, ibihugu byose bifite inshingano yo gufatanya na MICT mu gushakisha abaregwa bagishakishwa, kubafata, kubafunga, kubimura no kubashyikiriza inkiko zigomba kubaburanisha.

Ukeneye amakuru arambuye kurushaho wasura urubuga rwa interineti rwa MICT www.unmict.org. Ibibazo by'itangazamakuru byoherezwa kuri imeyiri mict-press@un.org.